

新曰今卽試看若無鬼汝當見誅根曰鬼甚易見可借府君前筆硯新從之根書符作長嘯聲須臾廳南壁忽開數尺見有四五百人赤衣操刀劍從壞壁中入至墀下面縛府君父母而來泣曰汝何爲犯神仙尊官使我被縛困辱如此府君叩頭求乞放赦根戒敕遣之遂免後一月府君與夫人郭氏皆卒

陳長架屋嚴青挽舟

抱朴子陳長居苧蕪山已六百餘年山中人爲之架屋每四時祭祀之陳不飲不食顏如五六十人苧蕪山方千里上有千餘家風俗與吳同

道藏輯要

三洞羣仙錄

卷

翼集四

又嚴青會稽人食貧販炭忽於塗中遇異人授以素書一卷青曰我不識字神人曰不須讀但置於靜處可也青自後神通潛有人爲挽舟而入只見炭船自行後爲人治病卽以所授之書到家其人自愈入小霍山得仙

希夷堯舜洪崖巢由

神仙傳陳搏字圖南號希夷先生時遇金甲神人指隱華山太宗皇帝召見問曰朕欲以堯舜之道治天下可乎對曰臣聞堯舜土階三尺茆茨不剪陛下若能如此正所謂今之堯舜也

高道傳道士張氤號洪崖子隱豫章山開元中明皇召問朕